



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1707

Q. 145. Quid notandum circa Forensia.

urn:nbn:de:hbz:466:1-42515

sententia, si saltem multum ultra duas horas labo-
retur, fore mortale.

§. 2. Non est mortale singulis Festis ad duas horas ⁵⁹⁵
laborare, quamvis id velis facere & re ipsa facias
toto anno, quia dies & labores illi non uniuntur
in ordine ad constituendam materiam gravem
pro inhonoratione alicuius Festi, Sancb. in Dec.

L. I. c. 4.

Q. 145. Quid notandum circa forensia. Rx. De his ⁵⁹⁶
habet Busenbaum relatus num 583: aliqua tamen
clarius explicanda sunt, ut etiam melius intelliga-
tur, quandonam adsit excusatio.

§. 1. Per forensia intelliguntur actiones, quæ
quamvis non sint serviles, tamen quia nimis distra-
hant animum & cultum divinum impediunt,
prohibentur, Tit. de Feriis Cap. 1. Omnes dies Domi-
nicos à vespere in vesperam cum omni veneratione
decernimus observari, & ab omni illicito opere absti-
nere, ut in eis mercatum minimè fiat neque placitum,
neque aliquis ad mortem vel ad pœnam judicetur,
nec sacramenta, (id est, Juramenta) nisi pro pace
vel alia necessitate, præsentur. Cap. ult. Debet judi-
cialis strepitus diebus conquiescere feriatis. Et
post recensita Festa ordinaria in fine additur:
Nisi necessitas urgeat vel pietas suadeat, usque adeo
convenit ab hujusmodi abstinentia, ut consentientibus
etiam partibus, nec processus habitus teneat, nec sen-
tentia, quam contingit diebus hujusmodi promulgari:
licet diebus feriatis, qui gratia vindemiarum vel
messium ob necessitates hominum indulgentur,
procedi valeat, si de partium processerit voluntate.
Ex his inferunt communiter omnes, præter mer-
catum, principaliter prohiberi actiones judiciales,
quæ dicuntur placitum, & sunt citatio partium;
formatio processus sive cognitio causæ & sententia;

quæ

quæ quamvis Jure civili L. Ut in die, 2. Cod de Feriis, si in die festivo fiant, tantum dicantur irritari, id est, irritanda, tamen vi citati Juris Canonicæ, ex quo hic loquimur, sunt ipso facto irrita.

§. 2. Citatio, ut quis compareat die festo, est irrita.

§97 quamvis ibi tantum esset Festum, ubi est illi qui citatur, nam citatio respicit locum, in quo estis qui citatur, uti è contrâ mandatum & sententi respiciunt locum, ubi est mandans vel sententiam ferens: Si autem citatio fiat, ut quis compareat intra octo dies, etiamsi octavus dies esset Festum, valet, poterisque (secundum *Suar.* & *Fagund.*) differre, ac prius comparere sequenti die, sed secundum *Bonac.* aliisque cum *Castrop.* T. 9. P. num. 3. & 4. debebis prævenire.

§. 3. Ad formationem processus seu cogni-

§98 tionem causæ spectat examinatio testimoniū & Jusjurandum, item depositio sola testimonii, uti probabilitis cum aliis tenent *Suar.* *Bonac.* *Castrop.* num. 6. contra *Azor* & *alios*: imò iidem cum *Regin.* putant etiam examinationem testimoniū vel Juramenta in causa spirituali esse illicita & irrita, sed *Sanch.* in *Conf.* L. 5. c. 2. D. 30 putat tantum prohiberi Juramentum judiciale, quod fit pro rebus temporalibus, non quod pro spiritualibus, nec quod fit pro fide, pace, obedientia, fama vel alia necessitate. Communis etiam est sententia cum *Castrop.* P. 8. n. 4: quando judicium vel contractus est licitus die festo, etiam licere juramentū, quia concesso principali conceduntur accessoria. Probabilius autem est cum *Suar.* *Fagund.* *Laym.* *Castrop.* *Illſung* n. 169. contra *Panorm.* non prohiberi alia Juramenta, quæ nec ad Judicium nec ad metatum ordinantur.

§. 4. Oblatio libelli etiam pro causa temporali 599
fieri potest , dummodo die festo non intimetur
parti adversæ, quia non videtur spectare ad forma-
tionem processus, cùm non procedat à Judice vel
à potestate Jurisdictionis, sed à litigante, *Fagund.*
& *Castr. prop. num. 9.*

§. 5. Licitum est Advocato in Festis patrocinari, 600
sive verbo sive scripto , & informare Judicem,
licet fiat ob premium, quia nec est servile, nec prohibi-
bitum, *Sancb. D. 28.* Item Judici licitum est
concipere vel etiam scribere privatim sententiam
postea proferendam, *Pirh.*

§. 6. Secundum *Sanch. D. 27. n. 17. Cajet. Tol. Henr. 601*
& alios peccant mortaliter Notarii in Festo
transcribentes acta spectantia ad judiciales strepi-
tus ; sed probabilitas id negant *Suar.* Aliisque plures
cum *Dian. P. 2. T. 15. R. 35:* nam nec est opus servile
nec prohibitum, hinc docet quoque *Dia. in Summa*
v. Festum. Num. 3. non peccare Notarios ,
si secluso scandalo celebrent contractus die festo,
quia non sunt ex forensibus, quæ prohibentur.

§. 7. Licitum est die festo facere præsentationes, 602
institutiones , collationes , provisiones beneficio-
rum ; item exercere actus Jurisdictionis volunta-
riæ, v.g. adoptare aliquem in filium, condere testa-
mentum, hæc enim non afferunt strepitum judi-
cialem, *Pirh.* & alii cum *Castr. prop. P. 6. n. 3, ubi n. 5. addit.*
etiam consuetudine excusari conductiones opera-
riorum, venditiones publicas sub hasta, v.g. bono-
rum alicujus defuncti &c.

§. 8. Licitum est die festo ferre sententiam, 603
si alias impeditur Justitia, si ratio temporis, v.g.
conditio belli ita exigat, si sit atrocissimum crimen,
ita ut ad incutiendum terrorem non sit danda
mora, *Sancb. D. 29. Castr. prop. P. 7. n. 17.*

604 §. 9. Judicia, quæ de partium consensu sunt per Judicem Arbitratorem, sunt licita die festo, est communis cum *Sanch. D. 27. Castrop. num. 16.* *Illung* suprà. Porrò ille dicitur *Judex Arbitrator*, qui eligitur, ut dicat, quod sibi videtur, & su suo judicio litem pacificè componat finè ordini judiciali usitato in foro; è contrà *Judex Arbitrator* dicitur, qui procedit servato ordine processus forensis.

605 §. 10. Probabilius est contra *Panormitanum* etiam prohiberi executionem sententiæ latæ die non festo, quia est complementum sententia *Castrop. num. 12. Illung* suprà & alii. Quod autem ad appellationem attinet, communior quidem sententia dicit licere die festo, sed etiam probabile est non licere, ut ostendit *Castrop. à num. 13. adductis pro utraque parte Authoribus & rationibus.*

606 §. 11. Per consuetudinem videtur nunc omnino licitus esse mercatus privatus, sive quidvis vendere vel emere clausâ officinâ, *Castrop. P. 6. n. 5. Tambur. Illung num. 171.* Etiam licere contractus, si fiant finè instrumentis & Judicis authoritate, docent *Sanch. & alii cum Illung* suprà.

D U B I U M III.

Quæ opera festis diebus præcipiantur.

607 **R** Eſp. Præcipitur, i. Auditio concionis: non tamen sub mortali, nisi quatenus quisque tenetur discere necessaria ad salutem. *Vid. Trid. Sess. 24. c. 4. de Reformat. Fill. T. 27. c. 8. q. 7.* *Bonac. T. 2. D. 5. Q. un. P. 2. n. 27. Suar. &c.* Dixi, nisi quatenus. &c. quia homines rudiores ignorantes præcipua mysteria Fidei, ea præserimus quz